

新安舒太常奏略

上卷



00693

舒榮都字曰俞繫人萬歷丁未進士授中書任御史上
字疏曰虛公嚴其餘言邊務則刻督撫周永春等言
門戶則劾通政賈繼春等皆甚剴切巡按湖廣時貴竹
司司叛榮都代為畫策勦平之天啟間欲與楊左連名
劾魏闡會外艱不果後憂歸卒追贈太常寺卿

徽州府志 風俗傳

舒榮都字曰俞繫縣人萬歷丁未進士授中書舍人擢
御史神宗末年上三字疏曰虛公嚴其要在於擇相其
後言邊務則劾督撫周永春等言門戶則劾通政賈繼
志傳

春等巡按湖廣發奸摘伏時貴竹土司叛滇南不通榮
都代疏畫進勦之策亂賴以平熹宗登極翼衛有力魏
忠賢竊國柄榮都密謀於楊應山左滄嶼諸公將連名
疏劾之以丁父艱歸後見事不可為憂憤而卒崇禎元
年追贈太常寺卿

黟縣舊志 名賢傳

舒榮都字曰俞號泰廷辛卯舉人丁未會魁本年授中
書舍人甲寅考選庚申授四川道御史巡按湖廣任滿
叙奏餉功加太常寺卿乙丑卒辛巳崇祀郡邑鄉賢鳳
池清望絲綸之文章不朽蘭臺廉憲忠貞之諫論常昭

治安策聖主嘉納不減陸宣奏疏養親表彤陛屢上奚
殊李密陳情正色立朝獨振幼主之綱嚴氣鋤奸不畏
逆璫之焰凜如秋霜兩湖之奸宄悉屏寬同春溫三楚
之蒼赤咸若捐俸賑邊川貴軍需攸濟輸資助餉邊烽
告警無虞風生臺閣德崇賢關所著有閒署日抄練兵
實紀城書醫書行世

賢縣新志

忠烈傳

舒榮都字曰俞屏山人萬厯丁未進士授中書舍人擢
御史神宗末年上三字疏曰虛公嚴其要在於擇相其
後言邊務則劾督撫周永春等言門戶則劾通政賈繼
志傳

二

春等兩次巡按湖廣發奸摘伏時貴竹土司叛滇南不
通榮都代疏畫進勦之策亂賴以平熹宗登極翼衛有
力魏忠賢竊國柄榮都密謀於楊應山漣左滄嶼光斗
將連名疏劾之以丁父艱歸魏忠賢憾之黜將錄斥爲
地短星榮都見事不可爲憂憤而卒崇禎元年追贈太
常寺卿崇祀鄉賢

奏畧目錄

卷上

請假疏

再請假疏

直陳時務疏

考選軍政疏

請調縣官疏

請改迴避縣官疏

入境糾劾疏

考選軍政疏

奏畧

目錄

報襄陽兵變參處病弁疏

請改折疏

報奢酋稱亂疏

題州官改調疏

大計糾劾方面官員疏

大計糾劾有司官員疏

請裁冗員疏

請調道臣疏

議畱錢糧參處新推學道疏

保畱錢糧參處府臣疏

參黃州諸生鼓噪疏

大計前

閣下
都察院

吏部三堂
吏科揭

卷下

請補都司疏

請陞補辰沅道疏

議鍾祥令調繁疏

大計後

吏部
都察院揭

報安酋圍城疏

請補岳州守疏

再報黔事疏

奏畧

目錄

二

計後參處縣官疏

參贊畫通賊疏

保畱給由府佐疏

請補肇陳口緝捕同知疏

參房縣越獄失事員役疏

請免潞莊加派疏

請補重地府正疏

請陞補上江防道疏

請補急地府正疏

請免安仁縣降級疏

請添設偏沅軍門疏

請捕官加銜移駐疏

參違禁馳驛官員疏

右先太常公奏畧四十篇按楚事竣歸時行篋中載

此已抄訂成帙大約備鐫刻作副本者相傳數世珍

藏之舊式低寫雙擡八行行十六字位復為繕寫變

其舊式頂格有書十行行二十一字以此付梓欵式

似覺合時並將所著閒畧日抄楚約城書各序文及

所撰重建徽國文公祠堂記附載卷末噫先公在

諫垣時所有百餘疏原刻有全帙繼遭兵燹以致

奏畧

目錄

三

殘缺此四十篇蓋其僅存者後之子孫有能從事梨

棗重新先人手澤卽以此抄本作刻板之脫稿也

可時乾隆癸酉年三月朔元孫尙位敬識

勅授修職郎歲貢生候選訓導元孫尙位 彙 訂

誥封奉直大夫候選府同知五世孫世求 重 抄

例 授 登 仕 郎 六 世 孫 崇 覺

例 贈 承 德 郎 國 學 生 六 世 孫 崇 詩

誥 授 奉 直 大 夫 候 選 府 同 知 六 世 孫 崇 書 全 編 次

國 學 生 七 世 孫 立 功

候 選 布 政 司 理 問 七 世 孫 立 勳

候選布政司理問七世孫立德

山東沂州府經歷軍功保舉署鄒城縣知縣七世孫奉周

署廣德直隸州學正望江縣教諭七世孫 整全 敬刊

八世孫君 恭 校

悌忱照變忠清海愷勤志望

奏畧

目錄

四



八世孫君 恭 校

悌忱照變忠清海愷勤志望

整全 敬刊

奏畧

奏畧卷上

新安舒榮都曰俞著

請假疏

考選四川道監察御史臣舒榮都謹奏爲親老慕殷比
例懇賜暫假以遂歸省以伸子情事臣由萬歷三十五
年進士除授中書舍人歷俸五年十一月四十一年四
月行取四十二年九月考選註擬四川道試御史見在
候命伏念臣草茅下士遭逢聖明竊祿數載涓埃未効
敢輒言私惟是臣有迫切至情不得不哀控於皇上之
前者臣生數歲而臣母見背臣父子儲有感於曾參吉

奏畧

卷上

一

甫之說遂不再娶子然一室幾四十年惟朝夕執經課
臣以有今日方臣入官之始臣父已有疫火之症兼以
足疾三千修途跋涉維艱臣念旣不能迎親就養安忍
受妻子之奉以故通籍八載妻子未嘗一日在邸舍在
歲別臣父星言來京親見龍鍾潦倒之狀不忍遠離臣
父孜孜以大義相勉重傷其意含淚就途今轉盼而臣
父之年且七十二矣鄉雲極目悵子舍之甚遙風燭驚
心撫餘日以堪愛且臣鄉落深山人安力作而憚客遊
京師之內士商闐然浹辰之間不得再通家問頃傳臣
鄉饑疫大作室家徬徨臣一念及五內如灼夫古稱人

臣有不遑將父夙夜匪懈之義皆爲在事者言也今臣
舊任久解新任未膺進無職業之可營退有衰嚴之關
念不乘此時乞無用之身一圖歸省慰望眸於欲斷供
菽水於一朝而將誰待也我皇上孝宏錫類大小臣工
一切爲親陳乞皆蒙恩允臣不敢過望但得寬假數月
見臣父一面卽當前來供職查有前次考選諸臣如盧
謙等舊例可比伏乞皇上憫念臣私勅下吏部查照前
例賜准數月庶微臣桑榆老親微色喜於一時而犬馬
餘力可矢報於異日感激天恩寧有極耶臣不勝哀懇
激切之至

奏畧

卷上

二

萬歷四十年

月

日

再請假疏

考選四川道監察御史註差巡按湖廣臣舒榮都謹奏
爲候旨日久效忠無路懇再賜假歸省以恤臣私以伸
子情事臣由中書選擬西臺去歲三月蒙都察院題臣
巡按湖廣靜候俞音叱馭効勞臣之分也亦臣之心也
獨以臣父行年七十有七臣自乙卯徼假數月一見父
面業已數載於茲矣臣父以臣故鰥居四十餘載臣以
臣父故妻子亦未嘗一日在官離索之苦具載前疏夫
君臣大義父子至情皆人生所最關切而不容已者漢
臣有言旣已背親而事君則當奉職死節官下此情以
奏畧

卷上

三

義奪也若夫有欲致之心而限於無可致之地徘徊顧
望使天涯老親不獲一慰其晨夕之感亦人子之所不
安也臣前此欲有陳乞者三一以病柅一以邊警柅一
以題差柅躊躇情義之間未敢率爾蹉跎至今傳曰爲
人子而三年不聞問其父不可謂孝况臣自乙卯以來
固五歷寒暑六更歲籥乎有爲臣謀者謂守踰數載豈
不能再忍斯須諸臣徼旨一時出國門者十有餘人孰
非同咨便道過里省親而行實爲兩得臣非不知之獨
念此數載內閒中感觸動成辛酸輿馬之間枕席之上
不知幾番揮灑且諸臣過里每於限外祈寬臣起此開

時少伸定省以免后來之煩賣未爲非計但看衙門舊
例未有題差而給假者亦未有候至八年題差一年有
奇而尚待於給假者蓋事出時勢之所偶窮而根於天
理人情之所必至苟在因心何嫌義起聖恩原自寬大
錫類亦有同然伏乞皇上勅下部院寬臣數月庶微臣
烏鳥之念得以少紓犬馬之力終當自效是亦恤臣私
而風勵天下之一端也至所題湖廣之差如以彼中虛
芥已久不宜再稽別舉才賢以充任使臣旣去之身非
所得戀如以彼中年來多故題而復改恐開規避臣聞
命就道亦不敢辭總之主恩未報臣不敢乞長往之身

奏畧

卷上

四

其用其舍聽之皇上但徼皇恩使臣進退有據毋令天
下謂聖朝有忘親之人良時有不顯之政所關國體士
風非渺小也臣無任激切待命之至

萬歷四十年 月

日

直陳時務疏

四川道監察御史臣舒榮都謹題爲人情久玩國法宜伸懇乞聖明大奮乾綱振積習以維治安事臣由中書選擬西臺業已八載於茲矣蒙皇上體先帝遺意兩容考選槩允受職數日之內發帑金撤稅使用人如流水天下仰大聖人之舉動萬世一時有君如此其忍負之且官臣以言因言効忠臣之職也臣聞之自古人主之治天下不過人與法二者而已法不止於用人而用人之中亦自有法人固可以維法而執法之堅卽以得人今內而民生無聊外而邊警狎至憂時之士相與咨嗟

奏畧

卷上

五

輒謂無人夫十步之內必有豐草豈以堂堂全盛之天下二祖八宗與先皇帝之所培養而遂無人哉患在年來意見太分摧折太甚往往以意中之從違爲舌底之水炭而招權納賄者且攘臂於其間一二銓司隱情惜已看人衡纘奪心知其可而不敢用心知其不可而不得不用易務違才以相濡沫旣以徇人亦以自爲國事曰非邊圉曰慶皆出於此夫進賢受上賞蔽賢蒙顯戮古之制也保舉之法漢唐以來亦嘗用之如昨者東事初興起楊鎬於田間而以李如栢佐之二人之迹向有煩言當時誰爲唱和通國亦有心口豈遂不可問乎夫

聚此二人於邊非爲戰也本無戰情彌縫衆議就中之微意旣不可以告人各路之喧傳似有心於賣國迨向日不返本謀盡非進止相礙臧否皆凶一敗塗地實此一著釀之今罪人未伏朝典舉者不加詰問何以謝三韓萬姓而快天下忠臣義士之憤哉劉國縉在西臺時不知其功能若何起之贊畫卽贊畫爾何與召買而以佃夫債戶家人知識糜餉十有餘萬一朝脫逃聞其與經臣不相下尚有別意果爾國縉之肉其足食乎上辜朝廷使過之仁下虛朋友整刷之義撫臣猶爲叙功該部迄無定議此何說也夫春秋書無水書隕霜不殺菽

奏畧

卷上

六

李梅冬實魯桓之世去秋冬二時譏失刑也治賊非治所發懲一可以警餘臣謂不亟理此案不根究所舉之人則私交必不可破賄賂必不可清私交不破賄賂不清則偏詞熒聽巧語亂聰必不能盡得直忠誠真幹濟之人不得其人則雖竭天下之力以事人而綱維一弛潰壞四出終無益於成敗之數故臣今日區區之愚所願於廷臣者在虛公二字所願於皇上者尤在嚴之一字東家之西卽西家之東執一議以格人謂我言西人更不得言東非公也惟於上下四方之字求其陰陽時道理均者以定東西斯公之謂也有器於此以之盛瓦

礫不可以言虛以之盛什物亦不可以言虛必如水壺
玉鑑之在懸隨物賦形來無將迎去無凝滯斯爲虛也
尚德緩刑古今格論臣豈不知之竊見自先皇帝靜攝
以來大小臣工在優容之中者狎恩成玩委轡駘御以
有今日今聖主龍飛羣情觀望不乘此時一加大創欲
使年來積玩之人心吞刀割腸飲灰洗胃以冀雪耻除
寇之功其可幾乎臣以爲刑賞黜陟可與天下共之而
必不可使借朝廷威福之權位置私人芟除異己以快
其喜怒愛憎之私臣子中慙直可恕詿誤可原而必不
可使貪橫險詖之徒行汙寄治事私託公以遂其身家

奏畧

卷上

七

妻子之計宋臣蘓軾有言天下獨患柔弱而不振怠惰
而不肅苟且偷安而不知長久之計宜如諸葛亮之治
蜀王猛之治秦使天下悚然人人不敢飾非務盡其誠
此實今日對症之藥而臣一念犬馬之忠所勲懇懇懇
而願效之陛下者也然臣尤聞之尋丈之木關於寸鍵
萬斛之舟轉於一柁閣臣平章天下人與法胥取裁焉
此處一頗因之而頗者多此處一正因之而正者亦多
今枚卜得請且於允用二臣之外令再推七八員仰窺
聖衷真有寤寐旁求籲俊尊帝之極思焉惟在諸臣善
承德意所舉者必清忠直亮明敏練達之選使之謀斷

相資法通相濟至於委任責成則有漢臣以禮以法之
說在禮不在賜予稠疊溫綸頻繁而以諫行言聽爲禮
之大法不必白冠釐纓盤水加劍而封疆之不守賢才
之失職水旱盜賊之狎聞苞苴捆載之無所忌亦望皇
上隨其大小而輕重布之語曰人主之職在論相又曰
法行自近是在皇上加之意而已臣靜觀日久稍有所
見輒敢抒其芻蕘涇涇之愚誓不傍人作解惟仰託聖
主以爲不孤而已臣無任齋沐惶悚之至

泰昌元年八月

日

奏畧

卷上

八

考選軍政疏

巡按湖廣監察御史臣舒榮都謹題爲考選軍政官員
事萬歷四十八年例該考選軍政其在外省分原係督
撫按衙門會同考選先後奉有欽依在卷爲照前事例
該上年報完各省直遵行已久獨楚中撫臣與臣拜命
最遲於今年閏二月前後入境據按察司呈詳先奉都
察院寅字一百九十八號劄仰本司依奉查照施行仍
候巡按到日備由本官知會等因據此該臣查照欽依
內事理與撫臣熊尚文會同諮訪又據各司道開報再
四叅酌以求至當除所屬衛所軍政官員考選畢日另
奏畧

卷上

九

具本會奏外所有不職將領官員合行糾叅謹據實爲
皇上陳之訪得見任都司僉書劉廷藩心隨髮短精逐
年銷緣壁已見其技窮飲河亦至於滿腹云云此一臣
者馭軍軍潰旣不知以律之文守官官墮且昧夫在得
之戒原任荆瞿守備今陞四川都司僉書袁千里欲壑
難填邊情不察遍谿峒而索賄縱狐鼠以作奸云云此
一臣者阿堵薰心不見市中之有人四維蕩然祇覺狼
心之難厭見任九永守備胡守道心旣多欲行復險譎
漁獵遍及于各部防檢每弛于庭中云云此一臣者鳴
劍無能行伍一任其耗蠹逐羶有術犬羊亦苦其誅求

見任武岡守備馮邦詔止耽錢癖不顧官箴約束不加
於干撤鉅細兼收於橐囊云云此一臣者賄賂公行甘
爲積蠹所玩弄乖張特甚久生部伍之叛離以上四臣
所當併行革任回衛者也伏乞勅下兵部再加查訪上
請定奪施行庶武弁咸加警惕而軍政足裨實用矣緣
係考選軍政官員事理臣等未敢擅便爲此會本專差
承差徐尙友齋捧謹題請旨

天啟元年四月三十日

奏畧

卷上

十

請調縣官疏

巡按湖廣監察御史臣舒榮都謹題爲酌議改調縣官以安地方事臣於閏二月二十八日入境恭往承天謁陵途次接有生員一狀覽之則爲漢陽知縣吳越岳也閱學古被責兩學闕然道臣黜其首事者二人故有是告臣諭而遣之比三月十九入省履任漢陽知府謁臣於署中臣問其故對以事在正月閱學古爲兄祈脫傾瀉致被誤責今知縣旣已謝過黜革二生旋當請復事已帖然臣喜其局已結可相安於無事矣比見撫臣談及此節猶以爲府邑二庠控訴於庭者尚自紛紛則不

奏畧

卷上

十一

平之意猶未泯也夫人一有不平之念觸之卽動知縣何官一邑之主也士氣不可使靡令長之體亦不可使褻吳越岳有此一誤已難伸眉於民上矣復留在此別生意外反費收拾若改之於別地兩不相及一則漸釋其忿嫉一則從容於展布於人情政體或有當者且此令無別過端臣與司道再四叅酌惟調之相應縣分實爲妥便謹會同巡撫湖廣右僉都御史熊尚文會題伏乞勅下吏部再加查議將知縣吳越岳酌量就近改調遺下員缺另行銓補緣係酌議改調縣官以安地方事理臣等未敢擅便爲此會本專差承差徐尚友齎捧請

題請旨

天啟元年四月三十日

奏畧

卷上

三



天啟元年四月三十日
奏畧
卷上
三

請改迴避縣官疏

巡撫湖廣監察御史臣舒榮都謹題爲遵例請改迴避事據湖廣布政司經歷司呈奉使司劄付蒙臣批據當陽縣申准本縣知縣吳士忠關年四十二歲南直隸徽州府歙縣人由舉人萬歷四十四年四月內除授今職本年十月二十二日到任扣該四十七年九月二十二日止三年考滿已經申詳院司道批允給由造冊齎繳各部已蒙題奏訖今有原任浙江分守寧紹台道叅政今陞湖廣按察使吳士奇係職同祖堂弟職在管屬例應請改迴避等因關縣准此遵照吏部職掌事例欵開

奏畧

卷上

三

一凡內外管屬衙門有係父子兄弟叔姪者從卑迴避具奏到部候有相應員缺題改其以尊長居僚屬自行迴避奉此遵奉外今照本職與例相合相應請改迴避等因呈詳蒙批布政司查報蒙此先於本年三月初十日奉巡撫湖廣右僉都御史能批據該縣申同前事奉批仰布政司會守巡荆西道查議報奉此俱經移行守巡二道查議隨准按察司荆西兵備分巡帶管分守道副使陳龍光咨准本司咨奉撫按兩院批據當陽縣申同前事批司移道行據承天府申據當陽縣回稱依奉移行本縣戶兵等房科查得本縣知縣吳士忠自萬歷

四十四年十月二十二日到任起至天啟元年閏二月
終止任內經管錢糧儲積稻穀逐一完解明白並無未
完等項情弊今請迴避與例相合等因申府該知府葉
官看得本官藁苦醪醇花明麥秀比歲豐穰畏壘輿人
尸祝庚桑真所謂吏習其民而民安其政委爲地方所
利賴者歷任已四年零八箇月資俸似屬量移之時查
照僚屬迴避委與例合請乞轉達候詳允日行令本官
遵照領咨赴部等因詳道又該守巡道會看得本官操
似寒冰人如璞玉五載獨崇清淨四封共戴慈仁且居
官頗得人心而計俸又應遷擢卽爲地方少留原屬士

奏畧

卷上

西

民意願但邑有去思之武輿情雖切攀轅而例嚴迴避
之文國憲自應易地卽今勉從所請尚有不能恣然於
本官者合行移復等因准此該本司署司事分守武昌
道按察司副使兼右叅議劉觀光看得當陽縣知縣吳
士忠愷弟迎民精詳敷政秩滿三載已見吏畏民懷俸
踰四年坐看久道成化循資序轉正屬有待今據申有
本司新任右布政使吳士奇係是堂弟本官職居僚屬
應遵迴避之例改選旣經道府查議前來合無請乞會
題准令本官赴部改選遺下員缺另行銓補等因呈詳
到臣據此查得萬歷五年爲遵例迴避乞賜題請以便

供職事奉都察院勘劄准吏部咨開以後應該迴避官員除巡按御史從方面官員迴避外其餘內外官員俱從官職卑者具奏迴避永爲遵守等因移咨備劄前來通行遵照外今據前因除批行該司照例給咨赴部改選候會題去後該臣會同巡撫湖廣右僉都御史熊尚文看得承天府當陽縣知縣吳士忠清操不染一塵惠心直洽萬姓士陶德化吏稟廉威計俸已逾四載序勞當得優遷據稱堂弟吳士奇陞任本省右布政則本官職卑於例應該迴避但歷任將近五年若改選別屬徒苦往返况輿論之在今日卽宜優轉以酬賢勞相應會

奏畧

卷上

五

題伏乞勅下吏部再加查議合無將吳士忠照例迴避或念歷縣五載著有賢能免其改選量移別省遺下員缺另行銓補庶情例兩得其便而縣令不致久懸矣緣係遵例請改迴避事理惟復別蒙定奪臣等未敢擅便爲此會本專差承差姚龍光齋捧謹題請旨

天啟元年六月二十二日

入境糾劾疏

巡按湖廣監察御史臣舒榮都謹題爲糾劾不職官員以飭官方以蘇民困事臣奉命按楚閱今四月於茲矣自陛謝以至入境無日不以察吏安民爲念顧安民在於察吏而吏治之得失實不外於民情清而才則福及民而民頌之而清其本也貪而庸則害及民而民怨之而貪更甚也楚地曠法疎且巡歷久缺吏治之偷倍於他省臣多方體察除撫治二臣入告外參伍聞見尚得三人其二見在其一新陛見在者慾壑難填應卽剪除以解斯民如燬之惡轉陞者榜樣難懸不得姑縱以啟

奏畧

卷上

十六

各官幾幸之心謹會同巡撫湖廣右僉都御史熊尚文撫治鄖陽右僉都御史楊述中爲皇上陳之訪得承天府清軍同知李光德求封念重視蔭心偷衆目爲羅幾無前禽之失百川竝灌時有射鮒之虞云云此一臣者

登龍而望伺隙直同逐鹿擇人而食蹊田可以奪牛後

効難期於崦嵫前愆已覺其狼狽所當照不謹例開任者也襄陽縣知縣易孔贊自墮泥中全無遠志求馬已竭罔顧顏闔之戒嘗竈未饜甘冒叔魚之嫌云云此一

臣者絕意牧芻慮不動于暎溢薰心阿堵怨已騰於商民第年力尚覺富強終棄似屬太刻所當姑照不及例

重加降級以俟更新者也岳州府同知新陞安順府知府韓瑋身託冠裳行同駟僮暮夜不辭勤耽於虎視宵小是寄成種種之鳴張云云此一臣者一膜自營不顧公私之交絀羣小亦富有如鷄犬之俱僊但領木尚未報完過求恐生奸計所當姑照貪例革職爲民者也再照三楚幅員數千里所推司道希圖遷調每每限不至寥寥一數人鞭長難及文法多從寬假如知縣易孔贊臣在京邸已聞其人比初入境見考滿之語皆從優誣臣雖心疑不能不依之比得其實檄司加慎而已後時矣此中一種蝨賊最爲民害者無如書役臣嚴加澄

奏畧

卷上

十七

汰據都邑開報計可萬人不才有司視民如讐而於此輩不啻如子護之甚至有寧違志於上官而必不敢失歡於若輩者就此隱忍不知伏多少貪昧容臣覈實陸續上請伏乞勅下吏部再加察訪如果臣言不謬將同知李光德勒令閑任易孔贊重加降級韓瑋革職爲民庶人有戒心官方可飭而民困亦少蘇矣緣係糾劾不職官員以飭官方以蘇民困事理未敢擅便爲此具本專差承差舒民職齋捧謹題請旨

天啟元年七月十三日

考選軍政疏

巡按湖廣監察御史臣舒榮都謹奏爲考選軍政官員
事據湖廣留都行布按五司并守巡武昌等道將所屬
顯陵武昌等七十二衛所軍職官員賢否文冊呈送到
臣據此云云今照萬歷四十八年係五年考選之期合
候命下通行各處撫按等衙門轉行所屬都司衛所將
應該考選官員預先訪察博采賢否填註考語密切印
封送該考衙門悉照前項舊例秉公考選畢日將考選
過官員職名造冊送部稽考以憑會同叅詳去留上請
等因題奉欽依勘劄前來查得軍政考選應在去冬舉

奏畧

卷上

六

行臣於今年三月十九日始入省受事通行會案及行
各同掌印并守巡等官嚴加察訪去後續經催據各司
道備開五年內叅守都司等官事蹟前來該臣叅覈明
白已將不職官員具本叅論外所有各衛所軍政官員
隨經會同巡撫湖廣右僉都御史熊尚文撫治鄖陽右
僉都御史楊述中守備湖廣承天等處地方司禮監管
文書太監張文光督同留守都司行布按五司并守巡
武昌等道查據各司道考語分別賢否考選云云臣等
又經會案將考定官員通行留都行布按五司轉行各
該衛所大小官員一一遵照并行雜差官員止許公座

僉書一事文案不許干預考退官員毋容羅織生事及捏詞告害違者照例叅問調發邊衛帶奉差操及造清冊咨部查考再照前項考選本冊舊係撫臣衙門主稿祇候論劾不職叅備等官疏下之日撫臣卽移會臣互相叅證議定奏繳惟是臣三月十九日入省受事遲撫臣四十五日所領又多郎襄等衛然念考選軍政五年大典雖巡歷匆忙晝夜料理不敢少稽在承襄間日望撫臣會稿之至而不可得比以相度憲府基址七月十六日會撫臣於江陵始知其疏已於六月十三日拜發稿留會城直至八月初五日纔見移到而監場役逼事

奏畧

卷上

九

竣磨勘又復越一月矣據撫臣面語謂其馭下甚嚴吏書輩每有意悞之此番作崇實由周上臣蔣斗府二人當卽責革是撫臣之遲原非有心而臣延至今日方得奏繳亦循例候撫臣會稿之故而非臣之敢於溺職也閱邸報撫臣奉冊已奉明旨臣冊與撫治二臣俱同中有物故及緣事數人據司道續報儵爲改易惟是該部之覆不待臣疏或者以軍政愆期亟於完局然衙門有體似不宜因人以廢之伏乞勅下該部查明摘覆毋使謂臺臣軍政失職自今日始也除二吏聽撫臣自行責革外爲此今將造完考選過官員職名文冊會本專差

承差陳登仕齋捧進繳謹具奏聞
天啟元年九月初八日

奏畧

卷上

子

報襄陽兵變叅處病弁疏

巡按湖廣監察御史臣舒榮都謹題爲查報援兵搶傷無忌情節併叅失職病弁以肅地方事臣以科場期迫暫罷巡歷於七月二十三日回省八月初四日撫臣有恭報行兵日期併沿途給餉事宜一疏會稿到臣臣見其區畫周至竊謂可免於前番逃竄之罪矣乃於場中初十日見襄陽府知府李爲京呈稱麻鎮五寨司前後二營千總莫大功田應封統領援兵一千零六十六員名陸續到襄陽以索安家犒賞爲名吶喊搶掠傷人及將本總田應封莫大功捆打血流等因據此案照該臣

奏畧

卷上

五

先於七月初七日牌行湖北上下荆南荆西各道照得各土官調發土兵數目文冊約共萬餘卽日起程除安家銀已經撫院給發其行糧犒勞等項分委府佐沿途給散外第大兵經過地方百姓不無驚恐或有罷市閉戶以避者反令各兵藉口無從買食乘機騷擾殊爲未便合先知會該道卽便轉行各屬府州縣出給大字告示曉諭居民如遇土兵經過城市平日開舖之家所賣米麵菜蔬柴草照常擺設聽彼此兩平易買不得閉戶拒阻致啟釁端仍於沿途空閑公館祠廟觀院寺庵等處一一預備蘆蓆便其止宿如果容止不盡方許借棲

民房至於津渡多備船隻聽各兵撐渡以免擁聚阻滯
官自應用馬匹及抬軍器人夫車輛俱照勘合應付如
有不敷行令臨近州縣照例協濟巡捕官逐程押送倘
各兵生事擾害捕官徑呈督兵官卽以軍法懲治該道
仍移關河南南陽道一體出示遵照施行臣懲於前車
隨撫臣而申飭亦既不遺餘力矣乃事出意外猶有此
變臣當於場中牌行守巡下荆南道據襄陽府呈稱麻
鎮土司前後二營千總莫大功等統領援兵一千零到
府據督陣官黎應璧把總陳必顯哨官劉國璽并帶不
知名姓頭目三十餘人稟稱各兵安家該銀八兩止給

奏畧

卷上

三

三兩云荊州給散及至荊州又哄襄陽其犒賞銀兩禮
州未領今至襄陽各兵止給犒賞銀壹錢行糧五日不
足敷用乞借到山海關行糧全領置辦冬衣方纔前進
等情隨據府前并十字街等地方居民楊允庚等稟稱
搶掠及各兵要挾不散等項緣由到院又道路之口僉
謂此番援兵全無忌憚圍府治砍城門縛頭目以遊營
恣抄虜以揚威種種恫喝殊駭聽聞照得麻鎮援兵安
家行糧犒賞自辰至襄出境以抵山海關俱經撫院部
署精詳本院亦已行牌境內及移文境外加意安戢以
保無譁不謂猶有此譁合就查訪該道卽便轉行襄陽

府速查莫大功等稟稱安家入兩果否出自原議自府治至西門一路商民被搶有幾百家札營城外鄉頭自挾城門之櫃破府官之牌要安家之補索山海之需中何人指示且其怙衆稱亂費勇番禍情節恐不止如人所言藐爾千餘輩蹂踐名城不知三尺爲何物印操指揮安在除另文查究外該道務將此番兵過啟釁根因受毒實跡據實具報又於本月十三日牌行守巡該道據襄陽府呈及風聞麻鎮土司前後營兵經過該府圍府治砍府牌搶掠要挾如入無人之境該府有親藩大臣及縉紳士庶不下數十萬家所設襄陽護衛官軍

奏畧

卷上

五

原以資城守防不虞土兵僅千餘嗚張無忌有如賊寇該衛掌印營操官何在先時旣無防備臨時不見堵截偷安至此殊可痛恨合行革究該道卽提該衛印操指揮到道查審要見援兵經過僅有千餘兩衛軍丁爲數頗衆何恇怯不前任彼要挾搶掠一面革去管軍管軍另選才能服衆指揮填補一面嚴查偷安致寇情節應叅處應究擬分別詳院以憑裁酌節次牌行去後尤恐遲緩臣復差人守催至二十一日據分守下荆南道右叅政李成名揭稱襄陽兵變一事伏蒙憲牌卽行該府細查職初聞兵報亦甚洵洵及至隨州猶云未散旋乃

知其初八初九兩日盡去十六日早入襄陽各民已復業如舊矣職語該府被害諸家似當議恤該府已查大畧未及百家向職奔訴者亦無多人蓋門面堅完者可以閉守開舖與一二小戶未免被掠此搶刦之大端也當初五日到府不言行糧犒賞而突言安家且爲數甚多自難曲從彼亦借難從之事以巧爲亂端耳大諫狂呼風馳雨驟智不及料策不及防倘非幸而出城閉戶自固地方之禍尚可言哉彼旣出城猶討安家而該府止增行糧犒賞蓋頂棹而至城下率衆而挖城門放弩而傷及三四人其詭計克謀一日不去則害深一日該

奏畧

卷上

十四

府但幸其早去不得不作此權宜耳地方士民亦謂此番深賴太守此該府處置之大端也此一役也陳必顯挑激倡亂罪宜首坐田應封次之莫大功又次之庶使後來者稍知收歛亦便計耳已促該府令其查到卽爲轉詳等因據此至九月初五守催差人及齋文先後方到據分巡下荆南道左叅政兼僉事俞誨呈據襄陽府呈蒙本道憲牌於本年八月二十三日蒙臣憲牌據該府呈稱查得前過千總莫大功田應封等領兵共一千零六十五員名已於本月初八初九日由呂堰驛出境又查前報箭傷四人內不知姓名一人并西門內臨城

任生員王熙寧妻田氏及同街任民林召兒林從禮各隔城被流矢中傷又據潼口驛任民裴一耀稟稱被把總陳必顯與何應貴鍾天衢落任一耀家假稱竊盜糧銀糶夾拷打逼將所生二子賣銀五兩賠償又據呂堰驛任民沈惠稟稱陳必顯誣指盜糧妄行夾打逼惠拔報近村富民甘受刑苦又查西門內外十字街府前各地方被害居民楊允庚張吉等共一百四十八家各兵挾刀入屋但凡眼見衣物隨手搶去或止索銅錢數十多寡不等細查此中創亂者三人陳必顯爲戎首何應貴鍾天衢在城外執旗指揮皆受必顯嗾使况莫大功所

奏畧

卷上

五

領前營衆兵臨行具有首狀付地方代申自白是同伍且視若寇讎矣元惡不除將來何做等因詳道據此該本道看得首發麻兵一起千餘問誰督領則莫大功田應封也陳必顯以浙孽而投土司莫大功田應封唯所叱咤矣千餘軍唯所指揮矣鼓衆要挾借詞請增犒賞請安家全糧府前十字街橫被搶掠者百餘家雖已出城砍門列陣飛矢傷人種種不軌情節該府前後申詳毫無隱匿本道會同守道遍詢被害各家幸已復業爾時郡城中僅一李知府與徐同知非得二官權宜調停地方之禍將有不可言者至於印操衛官王德齡王秉

鉞職司防守多兵入城雖變起倉卒疎虞若此究革何
辭護衛魯宏姬虛糜廩餼緩急罔裨亦應革去管事以
愒怠玩襄陽咽喉重地援兵所必由之路督領官紀律
不嚴秋毫無犯民已難堪竟不意有倡亂如陳必顯者
人無不願食其肉而寢處其皮合候題叅嚴提正法殲
厥渠魁以洩地方之憤者也其被害多民量行議恤請
乞本院裁奪施行又據分守下荆南道右叅政李成名
呈詳看得援兵調發是不一處而行兵紀律全在總管
總管而受制奸人冠履倒置亂之機也非總管而突生
姦計陰陽設施亂之源也莫大功田應封非總管乎捆

奏畧

卷上

五

打流血將何顏立衆軍之上乎陳必顯卽係頭目不過
把總何以使總管仰其鼻息而衆軍聽其指揮乎蓋以
浙人投入土司已是踪跡詭秘借頭目暗招亡命原自
包藏禍心當初五日令兵百餘赴府要挾其志不在小
也安家五兩之說未聞許於何處亦未聞有此舊規無
端借口巧爲挑激其意原有在也忽然鼓譟恣行搶掠
被害凡百餘家克惡等於仇讐其膽亦甚逆也砍門列
陣引弩傷人雖已出城猶謀劫庫其情猶叵測也乃該
府之檄出而陳必顯入矣陳必顯出而衆軍散矣倏而
鳴張倏而獸伏彼已一一供出潼口之裴一耀呂堰之

沈惠其受害諸狀幸徐同知李主簿猶及見之他所未知恐不止此要以必顯而在軍中到處必無寧字此事理之明白易見者也若夫地方異變事出倉皇當此之時本道與巡道俱在省城到任府佐縣正以及佐領各官或公委或被論所在無人而獨該府與徐同知一力捍衛保全郡城其心良苦而其才良足多矣援兵經過千餘自當速爲申報但兵係頭起突然而來倉卒之間失於檢點其跡稍疎而其心非敢玩也被害多家皆有姓名可查原無隱匿初八初九兩日各兵陸續出境絕無稽留至於印操衛官防守疎虞罪革何辭護衛魯宏

奏畧

卷上

七

姬原止守衛王城搶掠非其汎地似可及寬典耳惟是陳必顯何物么麼敢行倡亂不惟殘害百姓抑且欺蔑朝廷情法難容神人共憤罪應重坐合候題叅等因各呈詳到臣據此除將兩衛失事印操指揮究革及被害之家逐一批行加恤外今據前因該臣叅看得此番之兵乃田景受所募身之不行而委之莫大功田應封已難駕馭矧又有浙人陳必顯者播弄其中奸以濟悍宜有此闕然據道所開擄掠傷人如許且砍門挖城祭旗列陣聲言劫庫不類叛寇乎此外尚有民間羞澁而不可言被毒而不及報者該府自親藩而下鄉紳士庶凜

凜莫必向非該府從權賂止糜爛奚堪念及於此陳必顯等之肉其足食乎且聞其沿途私招亡命意將何爲前途之生事猶有不可知者是役也二道臣俱未到防禦無能之指揮臣已於軍政中改換而鄖襄守備見在城中任其狂逞卽曰事出意外非謀所及而臥病半載跬步不出戶庭襄陽何地守備何官可使奄奄欲盡之人虛糜廩餼耽誤地方耶伏乞勅下兵部將吳允珍草任回衛速推才望守備一員前來接管其陳必顯等嚴按情罪而緩急布之庶後來者不致效尤聞風者將有戒心國家之法度不至盡弛而地方之士民獲有寧宇

奏畧

卷上

天

矣緣係查報援兵搶傷無忌情節併叅失職病弁以肅地方事理未敢擅便爲此具本專差承差陳登仕齎捧
謹題請旨

天啟元年九月初八日

請改折疏

巡按湖廣監察御史臣舒榮都謹題爲類報災傷事據湖廣布政司經歷司呈奉使司劄付先蒙臣批據本司呈詳武昌漢陽黃州承天荊州岳州長沙常德辰州各府屬衡州縣各被水旱災傷緣由蒙批該司速催各道勘明類報以俟覆題繳蒙批該本司備行移催各道府查勘去後隨准分守武昌道咨稱漢陽濱江民苦昏墊夏水淤甸苗禾已被渰沒田廬半爲邱墟漢陽縣十已損八之五漢川縣損至十分嗟此兩邑之民橫罹此患矧東餉邊儲催督日下追呼日煩民旣切於剝肉官亦

奏畧

卷上

五

至於贛眉應議賑蠲庶免流散黃州府屬黃梅災傷無歲無之今年尤甚桑田盡變江湖廬竈惟遊魚鯨流離逃竄十室九空辦納徵輸萬無一應况當衝疲之邑猶多叵測之心合無俯念民情准將該年漕糧暫改流折仍候豐稔流注他方廣濟今夏大水田禾盡渰顆粒無收京邊東餉業不可少漕糧本色復從何輸鄉紳士民援例而籲相應暫將該縣漕糧改折蘄州當江漢下流地勢低窪今歲春夏洪水爲災田禾渰沒夏秋旱魃爲虐野無青草民方苦饑殍之不給京邊東餉措置掣肘且漕糧在邇不啻剝肉醫瘡而四十七年南糧例於天

啟元年徵解此時責在本邑委難出辦哀請俯允改折
稍甦倒懸之苦等因又准分守荆西道咨稱承天府屬
自當陽外咸罹水災而景潛汚爲甚今年大雨數旬漢
水三溢至於城市行舟廬壁生苔逃竄流離景色寂寞
不但食無穀且爨無薪不但徵無糧且敲無人目擊情
狀可爲墮淚合無憫念三州縣被災獨重賜題改折在
景則南糧已經永改今止改漕糧一項潛汚則南兌兩
糧俱應議改如此則正賦無虧恩施不竭等因又准分
守湖北道咨稱常德府屬武陵龍陽沅江桃源連年以
來旱澇頻仍征役繁興凋瘵極矣冀望有年少延殘喘

奏畧

卷上

三

詎意馮夷作寇田廬滄沒斃斃子遺能復堪此此時望
罷加徵勢必不得惟祈皇木暫停發倉賑救或可少緩
須吏煩將常屬各縣災傷冊查照覆覈酌議轉詳等因
准此又蒙本院批據長沙府申稱湘陰縣地勢窪下更
多湖田今歲四五月間湘水泛溢禾稼滄毀行委瀏陽
縣樊知縣踏勘冊開滄沒田糧一萬五千一百五十二
石五斗五升賦重力疲兼值貢賦頻加之秋災傷至此
小民餬口無策國賦從何辦納等因又據上江防兵備
道併分守上荆南道詳稱荆岳二府西亘蜀江東連洞
庭號曰澤國往年亦多霪澇今歲尤爲大稜自巴東以

至監利又由監利以至岳陽一望無涯三農立盡在公安則以九分三釐報矣在監利則以七分報矣在華容則以九分三釐報矣在安鄉則以十分報矣在澧州則以十三里盡漂沒報矣以是各屬有議賑恤者有議蠲停者惟邊餉軍國急需東事燃眉催檄如雨此何敢輕議緩也無已則有改折一節上不誤軍國下可寬民力除巴東原無南兌二糧俟另議賑恤外其公安議將四十五年已徵南米二千餘石抵作天啟元年南兌內有不足者於成收里分湊完起解所欠南米四千餘石照例請改仍以本年兌米亦請改折抵償四十五年南折

奏畧

卷上

三

其監利議改四十四五七年米完南糧及天啟元年南兌漕糧華容則議改天啟元年漕糧又議將四十七年南糧姑俟來年豐收開徵完解石首江陵雖未議到澧州松滋雖未議及而本年南漕二米則百姓呼天搶地均之欲改折而無疑者此雖不能爲百姓免惟正之輸納亦可爲百姓去無益之費用等因俱蒙批布政司覆勘彙詳蒙此俱經遵行外今准前因該本司看得楚省素稱澤國水患浸灌靡歲無之而今歲爲甚民困不堪泮沒殆盡諸道府所描寫者皆顛連之苦狀也請蠲不能請救無策獨有酌其災之輕重分別爲之請折耳時

當開徵開兌之期如俟各屬查勘報齊恐至後期難以催徵今將先勘過者漢陽黃梅廣濟潛江沔陽景陵華容公安災傷九分以上暫改本年分漕糧次之蘄州九分監利七分災傷改折四十七年南糧又次漢州傷雖獨重但查南漕二糧已奉部文准改無可加恤姑與安鄉俱照道府所議酌量發賑至於常德府屬武陵龍陽桃源沅江四縣災分稍輕暫停皇木或發倉賑救道議甚悉非本司所敢擅擬統祈憲裁其餘湘陰所請緩徵同爲水災似應俯從但當東事未寧催餉甚緊難以緩徵他如咸寧嘉魚蒲圻黃岡黃陂鍾祥澧州攸縣澱浦

奏畧

卷上

三

沅陵沅州各州縣及承天衛平溪衛平溪堡便水晃州羅舊三驛偏橋衛相見堡鎮遠衛等處并題後奉撫院批據孝感縣續報前事已行該道府查勘去後俱俟至日另詳外相應呈請伏乞本院軫念民艱蚤賜題請等因到臣據此卷查先奉都察院勘劄准戶部咨爲國計民生公私交絀隱憂可屬敬申末議以仰禪萬一事該本部題議行各處漕糧以後遇有災傷據實申呈巡撫奏報巡按覈實仍定災之輕重以爲折銀多寡災八分以上者不分正改每石折銀五錢被災七分以下者仍照議單事例正兌每石折銀七錢改兌折每石折銀六

錢交兌等因又爲欽奉聖諭并陳末議等事該本部題
今後但有災傷去處逐一踏勘計被災分數如某縣田
地原額一萬畝今後被災一千畝爲一分五千畝爲五
分將花名地畝造冊送巡按御史覈實奏報候本部題
覆至日按冊照例蠲免如以無作有以輕作重依律查
叅等因題奉欽依移咨備劄前來節經遵行在卷今據
前因爲照地方災傷例得徵恩於改折今徵兌及期而
勘劄未至奚能少待臣預行批查蓋爲今日地也今該
司道會勘到臣該臣看得楚省加派之重甲於天下貧
民質兒鬻舍苦不可言幾欲請罷請減爲此子遺爭且
奏畧

卷上

三

夕之命念國家事重奮筆而已者三且也兩藩鼎建萃
於一時而援兵之募於其土經於其地者絡繹而未有
已賦車籍馬孰非民脂潔館豐穀惟是王事此又他省
之所無者乃飢饉薦臻夏水秋旱而水爲甚其漂溺淪
沒顛連啼號之狀慘人見聞撫臣所報司道所勘字字
皆真當此之際雖欲不爲之設處而有不可得者臣在
京候命時每見各處按臣以改折請心竊難之謂事關
軍國何得市恩乃爾及見兵部覆疏以後按臣災傷非
重大不得輕議改折臣深服其遠慮謂得大臣謀國之
忠今臣身在地方始知此中痛癢揆情度勢萬萬不能

強求亦萬萬不忍。愬視向之所難爲市恩服爲遠慮者，皆出一時邊見而於中獨有所未盡也。夫楚爲陵寢重地，且居上流，筦東南之半壁，剽悍易動，自其習氣使然，盜賊充斥，無日不見告夫人，一日不再食，卽慈父不能保其子，有司安能保其民？種種可憂，猶有難於訟言者。臣念至此，五體皆戰，雖欲不爲此數郡生靈乞恩於皇上，得乎？除將澧州安鄉湘陰咸寧嘉魚蒲圻黃岡黃陂鍾祥攸縣淑浦沅陵沅州各州縣及承天衛平溪衛平溪堡，便水晃州羅舊三驛，偏橋衛相見堡鎮遠衛并常德武陵龍陽桃源沅江續報孝感等處，勘尚未至被災。

奏畧

卷上

三

稍輕，俱不敢概議外，所有災傷重漢陽黃梅廣濟潛江景陵沔陽公安華容蘄州監利十州縣，旣經司道覆覈分別開列，應折糧米數目，前來臣謹會同巡撫湖廣右僉都御史熊尚文撫治郎陽右僉都御史楊述中覆加叅酌，列欸開坐上，請伏乞勅下該部速爲酌議。如果臣等所言不謬，准將災傷九分以上者，漢陽黃梅廣濟潛江景陵沔陽公安華容俱改折天啟元年漕糧次之災傷九分者，蘄州七分者，監利俱改折四十七年南糧，復請定奪。行臣等遵奉施行，則於額賦不虧而災民亦重有裨矣。臣等不勝激切待命之至。除將勘過被災田畝分

數分冊送部查覈外緣係類報災傷事理臣等未敢擅
便爲此具本專差承差陳登仕齎捧謹題請旨

天啟元年十月十五日

奏畧

卷上

三



報奢會稱亂疏

巡按湖廣監察御史臣舒榮都謹題爲異常兵變事臣於本月初四日據荊州府申報重慶兵變殺文武將吏若而人據城僭號已經撫臣會臣等題知矣楚蜀連壤荆岳之間大爲震動適分守上荆南道叅政劉澤深以領表入會城該臣隨撫臣檄鎮歸州而以上江防道移駐江陵聯絡策應相機防援及一帶江城嚴行申飭去後本月十四日臣方有事武闈隨准巡撫貴州右僉都御史李樞揭爲蘭會逆命狂逞禍延黔蜀懇乞聖明特賜處分以救萬分危急事九月二十一日據四川遵義

奏畧

卷上

美

軍民府申據防守黎民營千總官蕭有忠大灣營加銜指揮李逢陽等各報稱求寧宣撫司奢崇明督兵到江門仍又旋回復在馬蝗岡劊兵一十三營鄉民逃躲等情又查得遵義縣米田水阿陸名穀王借稱守備同蔡金貴劉顯耀等來撫催召新兵又有本縣白田壩余馬戶王醫生等百餘人作亂全係若輩主謀搶掠居民燒燬房屋隨經該府通判袁任差捕擒獲犯人張向極向成龍一係生員一係吏胥到官供稱奢崇明欲殘破遵義等處地方併通同楊會僞內官楊富召集僞民內援外應謀爲不軌直搗遵義亂機已萌勢不可遏等因揭

報到臣准此該臣會同巡撫湖廣右僉都御史熊尚文
撫治鄖陽右僉都御史楊述中看得土兵之募當事者
亦不得已而用之不虞其橫發至是禍中於重慶則荆
岳急中於遵義則辰沅急今該府所申黔撫之揭皆云
謀出奢曾則其怒臂當車之意有至不以身爲殉不止
者楚居上游少有警揚江西南直一帶皆震止火不於
燎原摧蛇必自爲虺此而可悠悠從事乎年來災頻派
重贖日語難之輩眈眈向人廟堂之上宜及此時蚤定
方畧乘其形勢未定黨羽未盛立擇才望大臣戢此禍
亂固知深識遠慮當必出此至於議復總督一以聯絡

奏畧

卷上

三

諸敵而制其向背之機一以通融兵馬錢穀而無虞分
臂指不仁之病平時自是正論今日尤爲要談謀國者
倘不忘滇黔似亦不可忘此著矣臣按屬中道臣缺者
四人或差未回或陞未任而岳州守缺且三年地方何
等時而能堪此近以聖天子萬壽之辰江防道以入賀
行矣上荆南道倉卒往鎮遲迴數日心所未安又以荆
西道追補覲期且迫臣心尚有所蓄於中而未敢言者
陵寢事重統惟當事者熟計而深圖之臣無任激切祈
望之至緣係異常兵變事理臣等未敢擅便爲此會本
專差承差朱正色齎捧謹題請旨

天啟元年十月十五日

奏畧

卷上

三



天啟元年十月十五日

題州官改調疏

巡按湖廣監察御史臣舒榮都謹題爲思親病苦難支
毫無規避懇惟代題改北以全子道以供臣職事布政
司經歷司呈奉使司劄付於本年四月十九日蒙臣批
據分巡荆西帶管分守道副使陳龍光呈奉巡撫湖廣
熊右僉都御史批據隨州知州王國寧申稱竊照職生
甫十齡父之紀不幸見背母張氏守志撫摩暨至成立
叨中萬歷庚子科本省鄉試五入禮闈竟厄一第尋因
親老家貧不得已而爲祿仕焉癸丑據選襄陽府棗陽
縣知縣夫棗雖楚地乎蓋與河南唐縣實接壤也其光

奏畧

卷上

三

景不殊梓里母隨任受祿伍年有餘無異旣而叨轉隨
州雖與襄陽連界而風土人情比之家鄉懸矣母至兩
月輒病旣動思歸之念職再四勉留強支一年而惟日
孜孜惟里舍是念然母年今八十矣勢益不可以復留
也不得已而送之歸歸已四閱月矣職思母以風燭之
年雖處庭闈而膝下少承歡之人寸衷繫千里之子則
母心必鬱母心鬱則母身必不健此何等時也而令母
如此職心寧能一刻安乎展轉思維寢食俱廢日漸尪
羸而病苦益不可知矣是以不得不去也然爲母而仕
爲母而去亦復何憾第念職雖官卑基淺業蒙國家作

養二十餘年且棗陽報政存歿沾恩高天厚地不可名言乃絲髮未能圖報而一旦浩然長往於子道得矣如臣職何況職年尚壯猶可驅策是以又展轉思維而不能以遽去也處此兩難之勢計惟有改北一著可以俱全查得本州前任知州晉承命於萬歷四十五年間因病請告改北見今銓補河南歸德府睢州職之事體正與相合竝別無一毫規避之情合無俯念下情迫切代爲題請准其離任赴部改選北缺庶乎道途近水土同母猶可依子以就養職亦得以安位而行志則臣職與子道兩相盡矣職當啣結於無窮期也等因奉批仰守

奏畧

卷上

單

巡荆西道查報又奉本院批據本官申爲懇恩速賜批允代署以毋誤地方事詳稱思親養病請告改北不能理事城門倉獄已牒林州判代理緣由奉批仰守巡荆西道并查報又奉本院批據本官申爲情迫勢危官難久曠懇乞急批代署以安地方以全微軀事奉批仰分守荆西道查報奉此俱經先後備牌俱行德安府查議去後催據該府申據該州申稱該本州知州王國寧看得卑州病體頹靡全無起色留之甚非其情改北就養關切最真引之則有例在相應允轉代題更祈蚤批署篆則恩蒙再造感踰更生申府該本府知府王振祚看

得本官去志已決勢難挽留既有往例可援合無俯從所請以遂其改北就養之心深爲安便所有印務容再申請委署詳道據此卷查先據本官申爲病苦難支等事該本道批漢東風土猶之棗陽也可以毋庸改選仰府慰留卽去供職繳又據本官申爲情迫勢危等事又該本道批抱恙不妨調攝何爲復有此請仰府再爲慰留繳俱經批行該府慰留外今奉前由又該本道覆看得知州王國寧事體精明才諳果毅人仰千尋壁立政成六案霜寒地方倚賴正殷乃以思母陳情再四慰留去志益決切照人子果思報本則移孝正可爲忠盛世

奏畧

卷上

聖

曲體小民卽易地不妨器使今據本官情詞迫切且改北就養有例可援旣經該府查議前來合無請乞本院一面賜允離任一面具題改北所有該州印務容另詳委官署理等因呈詳蒙批布政司會同按察司覆查詳奪蒙此又奉巡撫湖廣熊右僉都御史批據本道呈同前事奉批仰布政司會同按察司查例詳奪奉此依蒙移行按察司查議去後先奉兩院案院驗准吏部咨題奉欽依以後改調各官不許藉以水土不服一概求改查有規避情弊嚴加究處本部仍行各省直撫按衙門一體申飭等因行司除通行遵照今蒙前因移准按察

司按察使唐嗣美牒呈准布政司照會前事移司案行
德安府覆查去後今據該府申稱該州申該木州知州
王國寧看得卑職之母年已八十矣乃以不服水土於
昨歲十一月行矣職思之因以成病閉門偃臥不能供
職亦已三月餘矣夫母以抱病而歸職以思母而病此
人子之至情關切勢有必至者豈其他有所規避也及
查本州前任知州晉承命於萬歷四十五年間因病告
改蒙前任巡按彭御史題准改選見今銓補河南睢州
知州夫前者以病告改去矣後者不得已踵而行之此
目前之近例可比豈其遠有所撫拾也再照卑州烏鳥

奏畧

卷上

呈

情深思豫萱堂之暮景鳳梧誼重欲抒楓陛之壯猷例
有可援情無規避蓋與明旨不相違背者也合無俯賜
轉詳獲伸前請庶二大之節克全而三生之遭實幸矣
申府該本府知府王振祚看得本州王國寧勁氣凌霜
傲雪宏才逐電追風吏稟三章民歌五袴乃以思親改
北情非得已查與前任知州晉承命患病告改事例相
符委無別故似當俯從合候詳示遵行詳司該本司看
得隨州知州王國寧以水土不服思親成病欲求告改
一節查近奉明旨嚴禁改調本司復行查勘誠慎之也
據稱思親患病委無規避別故於人子至情似應允從

但禁例森嚴擅難輕議聽自本司詳請院臺定奪等因牒復到司議詳間本年六月二十日又據臣批該分巡荆西道副使陳龍光呈爲哀懇丞批代署以恤久廢地方事蒙批王知州去志旣堅該州印務難以久閣布政司速議詳奪蒙此該本司左布政使俞維宇看得隨州知州王國寧思親成疾勢難強留但拮据多年清勤可惜已經該司道府重覆查無別故比照前任知州晉承命事例似應俯從准其會題改選庶於吏治子情各有勸矣等因呈詳到臣除批候會題外據此該臣會同巡撫湖廣右僉都御史熊尚文看得隨州知州王國寧滿

奏畧

卷上

聖

腹精神一腔意氣吏凜攫肉之察民徼帖席之安引疾雖非本懷思親實係正論惟是告改一節近奉明禁無敢輕議第本官去志已堅旣經該司道查無規避別故而隨州地曠民瘠又值措餉艱難之際撫摩安集不可一日缺人相應會題伏乞勅下吏部查議上請定奪遺下員缺亟行銓補庶人地不致相礙而公私各有所濟矣緣係思親病苦難支毫無規避懇惟代題改北以全子道以供臣職事理惟復別蒙定奪臣等未敢擅便爲此會本專差承差朱正艷齋捧謹題請旨

天啟元年十月十五日

大計糾劾方面官員疏

巡按湖廣監察御史臣舒榮都謹題爲糾叅不職方面官員以備考察事臣承按楚茲當計吏之期所有方面官員例當矢心咨訪據實上聞以備幽黜除原任布政司左布政使陳德元庫藏不明人言嘖嘖已經奉旨通查其所用事之人方來選梅占魁見今監候統候查明之日容臣與撫臣酌量輕重請旨處分外於三年之內尚得二人謹爲皇上陳之訪得按察司原任屯鹽道副使張綸音憂貧似病見客無官業已息陰未必有耐彈之質共相戟指安敢諱推亡之苛云云此一臣者谿壑

奏畧

卷上

畧

難盈防維盡裂徵貨於禦人之手曾無愧心借神於如鬼之奸嘖有煩言旣毀官方難逃吏議所當照不謹例冠帶閑住者也原任按察司辰沅道副使武圖功動多乖張心懷猜忌酉陽三載已自至於崇階長安一傳人漸發其底裡云云此一臣者褊衷難容小怨易逞禮疎事上臨下之際已見趾高情寄鈞金束矢之間不無內枉量從懲創嘉與維新所當照浮躁例降調者也伏乞勅下部院再加查覆如果臣等所言不謬將張綸音照不謹例閑住武圖功照浮躁例降調庶法紀不寬於大吏而收勉益凜於庶僚盛治可幾而三年之計典不虛

矣緣係糾劾不職方面官員以備考察事理未敢擅便
爲此具本專差承差陶家珍齎謹題請旨

天啟元年十一月二十二日

奏畧

卷上

畧



大清光緒二十一年十一月二十二日

此具本專差承差陶家珍齎謹題請旨
天啟元年十一月二十二日

大計糾劾有司官員疏

巡按湖廣監察御史臣舒榮都謹題爲糾劾不職有司官員以備考察事歲值朝覲大計所屬有司官員賢否例當澄汰一番臣謹會同巡撫湖廣右僉都御史熊尚文撫治郎陽右僉都御史楊述中悉心咨訪矢公矢慎參伍見聞不敢偏聽獨任欺自心以欺陛下除臣與撫治二臣先後叅論如岳州府陞任同知韓瑋仍應以貪論承天府同知李光德桂陽州知州馬自偉均州知州胡秉直淑浦縣知縣羅尚質仍應以不謹論江華縣知縣鄭如蕙平江縣知縣奈萃襄陽縣知縣易孔贊仍應

奏畧

卷上

吳

以不及重降論龍陽縣知縣呂孟陽仍應以不及量調論其餘各官疏劾未盡者已經註冊送部院查覈處分不敢一一瀆奏外所有見任陞任丁憂不職官員謹舉其鑿鑿有據者爲皇上陳之訪得衡州府見任管糧通判畢自勵求封不已絕流而漁云云此一臣者量如鷓鼠慾深壑谿雪後霜加軍民之含辛不恤貪以忍濟生死之茹悲堪憐彬州見任知州趙遴元身壑是甘眼饑難療云云此一臣者見金忘躬卽鹿用虞政以賄成不顧怨聲之載道筆無虛下祇覺錢神之有靈上津縣見任知縣楊應謙饒如饑鷹狼似乳虎云云此一臣者防

疎內外志在溫飽食不擇人至削鉞頭之錢上制於下
幾碎肘後之銅鄴縣見任知縣廖松以不漏因供無盡
藏云云此一臣者大開賄賂廣置私人沐猴可冠不減

尸工之開例饑彪思齧但憑黃白以遊神以上四臣昧
學昧心負民負國怨已騰於萬口典應付於三禡所當
照貪例革職爲民者也原任黃州府同知今陞雲南姚
安府知府胡士奇中之主持事多濡染云云此一臣者

豐狐是熒靈龜自舍公私兩賦往來之怨謗甚騰出入
無經乘除之叅積成潤荊州府見任捕盜通判袁樑性
本奢淫行惟饕餮云云此一臣者晝不見人事取爲我

奏畧

卷上

七

其門如市會無君子屬饜之心有女如玉甘犯部民強
娶之條岳州府見任巡捕通判葉煥新五技易窮四知
不顧云云此一臣者寸衷無主滿堂皆官借盜口作生
涯良善家之被害甚慘認庫役爲金窟先後吏之唾餘
堪羞竹谿縣見任知縣武堯中財官相生左右爲政云云

此一臣者苦於操券甘作持鉢缺深難補公私之積

一空馭失不收縱橫之好孔熾原任瀏陽縣知縣今陞
廣西永寧州知州萬建元善狀無聞貪痴太甚云云此

一臣者其狼如狼取智如蟻金身東下有如鸞峯之飛
來婺女再歸莫堅總帷之雅志新化縣現任知縣范有

爵小才自雄大閑盡決

云云

此一臣者守既卑汙性復

剛狠蠅營狗苟昧專欲犯衆之格言家怨人非受毀冠

裂冕之實辱會同縣見任知縣郭丕顯心隨髮短利令

智昏

云云

此一臣者潦倒無狀撥置由人有錢者生罔

念寬寬之壘壘惟利是視違恤衆口之嗷嗷以上七臣

棄禮從欲敗名喪檢既官箴之大壞豈仕路之可容所

當照不謹例冠帶閑住者也宜城縣見任知縣邱程雲

人近朴直年逼桑榆

云云

此一臣者壯心未已蒲姿先

零拜跪不前自詫足中之有鬼李瓜時冒未謂市裏之

無人天實限之人何爭焉如來者之難追有歸與之可

奏畧

卷上

四

賦所當照

疾例致仕者也盧溪縣見任知縣夏元魁

聽人播弄恣所誅求

云云

此一臣者事不程先役以賄

進孔方可愛屠夫可以濫賓筵嘉石罔聞耆民幾至爭

縣坐綏寧縣見任知縣顧汝楫百事不理一竅獨明

云云

此一臣者勞心無聞食人是急張弓難弛尚存賸生

之狠心奇貨可居每懸贖死之捷路原任嘉魚縣知縣

今陞福建福州府同知唐國士意氣浮沉防疎左右

云云

此一臣者寄情物外流涎麴車鈴束無能以鄉愚果

奸猾之腹關防不設假梵宇爲壟斷之場以上三臣日

見斗中柳生肘上卽令圖之可冀豈故物之能還所當

照不及例降用以令省改者也武昌府丁憂捕盜通判鄭邦英鷹心方熾虎爪甚張云云此一臣者孜孜在得

憤憤無爲暮夜不辭關梁之間皆利藪擊斷自逞園扉之下多怨言黃州府見任管糧通判尚觀光一囊獨飽

百務俱隳云云此一臣者職業全疎營求偏急關可爲

市不辭暮夜之苞苴征而不譏莫救中途之行李承天

府丁憂管糧通判曹士選嘗鼎無厭煬竈獨盛云云此

一臣者以刑爲市放利而行上用且侵會無官酒不動

之操屬官亦騙何望賈玉復還之風辰州府見任推官

李自奇檢押不嚴夜郎自大云云此一臣者才儘有爲

奏畧

卷上

兪

性實不羈喜怒因人間或作皺眉之事威福在手因而

冒染指之嫌慈利縣丁憂知縣報陞四川龍安府同知

李先登器本斗筭行同市井云云此一臣者疎於檢身

闇於處事塵情填臆不聞如水之高踪童心不休剩有

風流之罪過以上五臣跳躅勒外踴躍冶中惟困衡之

有加庶遷改之堪望所當照浮躁例降處以示懲創者

也原任鄖陽府知府今陞直隸兩淮鹽運使孫毓英慢

藏誨盜執法媚人云云此一臣者簞簞未壞帷簿頗疎

印出泥中難云中立之不問火延山上幸有靈光之獨

存衡州府見任知府楊嗣修遇事能斷用法過嚴云云

此一臣者木訥不雕強明白逐居身未下忽爾衆惡之皆歸待人稍疎竟致羣口之交謗靖州見任知州王希曾識謝通明才偏柔懦云云此一臣者見事不明任人

成悞獄情至重竟貿貿於生死關頭軍餉當清乃茫茫於先後分數歸州見任知州張應斗綜理無術撥置由人云云此一臣者質類尾瑣才且昏庸倚賦行私莫念

剜肉醫瘡之苦縱役生事竟蹈偏聽生奸之非沅州見任知州霍尚仁潔愧五紵長乏一割云云此一臣者情

深耽逐筭盡錙銖色數俱刊不顧身分之亦減軍民交怨會無善狀之可書漢陽府漢陽縣今改調應山縣知

奏畧

卷上

辛

縣吳越岳目中空曠心上糊塗云云此一臣者醉比步

兵懶同中散令公喜令公怒大柄既已倒持不在官不在民奸人於焉中飽黃陂縣見任知縣蔡懋廉一籌莫

展羣小是親云云此一臣者短如襪線鈍比鉛刀刑罰失中奸人乘之以陰陽其術禁令迕衆平民恨之而身

家爲殉祁陽縣見任知縣程鉅榆枋弱羽檣櫟散材云云此一臣者資本謹厚識乏精明政出多門獄庫之間

皆弊竇事無定主士民之口有諍聲以上八臣風塵易墮壑聳無聞倘酌人地之安或收桑榆之效所當照不及例調簡以全器使者也伏乞勅下部院再加查訪如

果臣等所言不謬將畢自勵趙遴元楊應謙廖松俱照
貪例革職爲民胡士奇袁樞葉煥新武堯中萬建元范
有爵郭丕顯俱照不謹例冠帶閑住邱程雲照老疾例
致仕夏元魁顧汝楫唐國士俱照不及例降用鄭邦英
尚觀光曹士選李自奇李先登俱照浮躁例降處孫毓
英楊嗣修王希曾張應斗霍尚仁吳越岳蔡懋廉程鋌
俱照不及例調簡僻用庶計典惟嚴人有戒心而地方
之承宣有賴矣緣係糾劾不職有司官員以備考察事
理未敢擅便爲此具本專差承差陶家珍齎捧謹題請

旨

奏畧

卷上

至

天啟元年十一月二十四日

請裁冗員疏

巡按湖廣監察御史臣舒榮都謹題爲採集衆思以圖
治安事據湖廣布政司經歷司呈奉使司劄付蒙臣批
據分守武昌道右叅政蕪進呈據漢陽府申奉本道劄
符蒙本院批據本府并理刑官各條陳本府屬興草事
直緣由俱蒙批分守武昌道覆酌類詳蒙此又奉巡撫
湖廣熊右僉都御史批同前來奉批仰分守武昌道查
議報奏此俱奉本道劄行本府遵依查得原詳內漢陽
縣汰草冗員一款事屬裁省相應覆議開欵詳道該本
道覆酌登答轉詳內開一次草冗員該本府理刑羅推
奏畧

卷上

五

官看得設官分職各有專司豈可徒襲空銜虛糜俸祿
如倉巡驛遞各繫地方責任惟河泊諸員止徵湖課漢
陽彈丸土地設有長江平塘蒲潭三淪桑馬新灘河泊
所管等官一官所管課銀不過百兩夫以百兩之課設
一官糜廩不旣多乎且此官俸資極微復無棲址甚有
妻子凍餓死埋異鄉不得還藉者情景堪憐雖不可盡
汰獨不可兼攝乎申府又該本府覆看得湖課設置一
官所管糧銀不過百兩而此官赴任攜妻孥子挪借路
費歷盡艱險餓舍而居俸資僅同皂快工食鷄肋不舍
饑寒凍餒真可傷心查得漢陽河泊六所桑馬與平塘

近蒲潭與新灘近長江與三淪近合無汰去三員就近兼管其所裁之俸或竝給本官或用充邊餉令被汰者赴部改選業民亦免煩擾矣等因到道該本道看得漢陽縣長江等六所歲額湖課錢糧各不過百餘兩且每所專設一官徵收固制也然實冗員不惟虛糜俸廩抑且滋擾地方况其官卑祿薄路遠家遙或稱貸以來臨或搬攜而俱至餓居民舍仰哺官方桂玉惟艱饑寒曷救誰自甘於鷄肋卒莫返其菟裘情景亦可悲矣據議於內裁三留三以一兼二卽將裁省俸鈔充餉仍令所裁各官赴部改選庶無多官之擾尤免窮途之悲蓋因

奏畧

卷上

五

草之最確者等因呈詳蒙批布政司覆議報蒙此依蒙移准按察司按察使唐嗣美牒呈看得漢陽縣長江等所一所各有一官夫稅止百金專司何用今量裁其半各以一人兼之節省良多亦無廢事誠便計也等因准此又該本司左布政使俞維宇看得漢陽縣長江等六所每所稅課不過百金專設一官實爲冗員今該道府詳議裁減三員湖課就近兼收誠爲便計相應請乞本院會題於內酌裁三員候部覆明文至日將見任官員起文改選其所裁俸鈔解充邊餉等因呈詳到臣據此除批候會題外該臣會同巡撫湖廣右僉都御史熊尚

文會看得官以事設酌繁簡而多寡布之無所事事而坐糜廩餼是謂冗員如漢陽一小縣耳舊有長江湖等六所設河泊官六員每所額課不過百兩卽以三員分任尚覺有餘當此國家多事之時省一分卽得一分之實用據議裁三所歸併三員管理裁下各員俸給解充邊餉深得時宜旣經該司覆議前來相應題請伏乞勅下吏部再加查議將平塘新灘三淪三所裁革其原管額課歸併桑馬蒲潭長江三河泊兼管而汰去各官給文赴部改選庶官無冗員俸免虛糜而於地方亦少補矣緣係採集衆思以圖治安事理惟復別蒙定奪臣等未敢擅便爲此會本專差承差陶家珍齎捧謹題請旨天啟元年十一月二十四日

奏畧

卷上

五

請調道臣疏

巡按湖廣監察御史臣舒榮都謹題爲道臣求去愈切
道務需人甚殷懇乞聖明恩放併允就近調補以體下
情以安地方事據湖廣布政司經歷司呈奉使司劄付
蒙臣批據按察司分巡武昌道右叅政兼僉事王世德
呈准本司關蒙本院批本道告病緣由批司移關催職
赴任職亦具有心胷豈不感激思奮無奈病根已深兼
受暑毒增寒壯執之後轉成痰瘧二日一發身熱如蒸
汗出如雨延醫肅國柱調治謂臟腑蘊熱日久故瘧發
於霜降之後勢不能旦夕就愈且汗出過多氣血虧損

奏畧

卷上

五

若不謝事靜養遇勞不免復發職思本道事務自職押
兵行後便借別道帶管今職病已不能支吾而猶因循
不早引退呈請本院題補賢者速來任事未免擔誤地
方則職罪亦深而莫可道矣緣由當具關按察司堂轉
呈本院職遠在數百里外未知本司是否爲職轉呈今
臣病勢益進形瘦如柴必不能有益於官如貪戀不決
究且益至狼狽公私兩悞九江地方往來衝衢旣不使
久居公署又無民房可賃只得移居舟中天氣漸冷風
雨漂浸度日如歲敢徑具呈本院早賜批示允放雖不
幸至於隕絕亦遂首邱之願荷台恩無涯矣等因蒙批

布政司會同按察司酌議報蒙此又奉巡撫湖廣熊右
僉都御史批同前事奉批目今蜀省兵變楚切震鄰所
賴該道甚殷仰布按二司速查議報奉此案照先准該
道關爲病委不支關乞轉達早賜放行事到司該本司
看得王叅政長才粹品士民仰望甚殷而以抱病中途
遂與歸念雖蒙本院勉留至再而詞意迫切去志彌堅
惟是地方多事彈壓不可久虛本官坐守江干又以得
歸爲幸合無請乞本院俯賜軫念酌量具題准令回籍
調理員缺另行推補庶地方無空虛之患而本官免維
谷之難矣等因蒙批據詳王大叅情詞迫切似不能強
奏畧

卷上

奏

留多事之際武昌巡道豈容久缺該司會同布政司擇
堪調補者一併具題仍候撫院詳行繳蒙此合行移會
酌議等因准此又該本司左布政使俞維宇會同按察
司按察使唐嗣美看得巡道王大叅泊舟江次旅食候
命決意乞歸雖地方正切倚毗而本官去志已堅有難
強留伏乞本院俯念任事之勞得民之素特爲具題庶
本官之心跡獲明而向用有日矣至於武昌巡道有兵
馬防守之寄其在今日黔蜀騷動唇齒之邦尤爲喫緊
若俟銓補曠日遙遠且兩司卽當入覲驛傳道婁憲副
又蒙前往蘄州委署江防學道以承天查叅加派兵餉

尚未蒞任臬署一空藩署亦寥寥可數查得分守上湖南道憲副張孝分守下湖南道大叅潘瀾才猷迅發方畧優嫻久著又安之績必資保障之功湖南幸而安堵守巡有人合無於內二員題准一員就近調補武昌巡道庶朝聞命而夕受事地方亦不至於乏人矣等因呈詳到臣據此該臣會同巡撫湖廣右僉都御史熊尚文議照分巡武昌道王世德自押兵行後該道缺人幾年所矣先是臣飛檄遣人所翹跂而望其來者不啻再三而今堅以病請其泊舟江干原非偃蹇私室一旦言歸豈其得已惟是重慶變聞會城大震此中一種幸亂奏畧

卷上

七

之徒每每虛張賊勢以相煽惑一日數驚不可戶喻兵馬調度皆由巡道當此之際江漢之衝豈容一日可緩彈壓據二司所擬上湖南道張孝下湖南道潘瀾二臣皆才望奕奕足稱斯任而分守上湖南副使張孝爲重慶人旣切父子弟之痛又熟山川險易各酋離合同背之情近有深畧請臣郵符欲獻於本處按臣其從離之勇料敵之明已可知矣若以本官改調武昌巡道必能禔福一方保障千里旣經二司議詳前來相應題請伏乞勅下吏部再加查議如果臣等所言不謬將叅政王世德恕其不逮而念其前榮採其夙望容令在籍調

理病痊起用遺下員缺卽將上湖南道按察司副使張
孝就近調補庶幾省會之重地有人而安攘之豐功可
覩矣緣係道臣求去愈切道務需人甚殷懇乞聖明恩
放併允就近調補以體下情以安地方事理惟復別蒙
定奪臣等未敢擅便爲此會本專差承差陶家珍齎捧
謹題請旨

天啟元年十一月二十四日

奏畧

卷上

五

議留錢糧叅處新推學道疏

巡按湖廣監察御史臣舒榮都謹題爲災地餉額幾完狂生囂習忽逞懇乞聖明加意學校推恩學臣以維士風以優賢良事據湖廣布政司經歷司呈奉使司劄付蒙臣會同巡撫湖廣右僉都御史熊尚文憲牌准戶部題准廣西通省先次派銀未完一萬六千四百餘兩續派九釐竟置不問該布政司趙世徵例應糾叅離任赴部降調湖廣四十八年加派九釐未完三釐以上該府掌印官立便糾叅衡州府知府楊嗣修欠八釐荊州府知府熊秉鑑欠七釐承天府知府葉官欠六釐五毫例

奏畧

卷上

五

應糾叅離任赴部降調奉聖旨新餉關係軍需奉旨查叅通不奏報顯是徇情畏事司府降調紀錄各官俱依擬仍行該省直確查坐名回奏趙世徵新任巡撫楊嗣修熊秉鑑見營府第姑著住俸勒限徵完以後例當叅罰的不准推陞該部知道欽此欽遵查得廣西布政使趙世徵於本年八月初七日推陞廣西巡撫承天府知府葉官亦於本年八月十六日推陞湖廣提學副使其完不及數例應離任降調同也而其各推陞本省又俱於八月相去旬日未甚遠也今趙巡撫旣得住俸勒限徵完而已陞葉官完過分數更倍於趙見今黃州府學

生員鼓噪該府知府告休舊武漢提學已陞印懸該司無人署理適據黃州府推官李長德揭稱該府百姓斬竿揭木保留知府不得而欲甘心諸生禍亂將作其地方關係視營建府第緩急輕重又當何如備牌行司會同按察司作速從公酌議葉官是否得照趙巡撫例遵奉八月內前旨到任管事其錢糧應住俸聽接管官催督完及分數方准開復具由報院以憑會題等因奉此該本司左布政使俞維字右布政使吳士奇會同按察司按察使唐嗣美會看得邊左帖危糧餉孔急各官以催徵未及分數奉旨降調職等皆守土之吏也何敢輕

奏畧

卷上

卒

爲置喙惟是湖廣二省加派至七十四萬此海內所未有者春夏苦雨秋冬苦旱歲苦不登閭閻憔悴承天漢陽武昌黃州荊岳衡永辰常十五府二州被災重者十分輕者亦五六分見蒙本院具題請改折請蠲賑此楚省之苦情久徹宸聽非知爲各官今日地也且四十八年加派已支解過四十七萬七千九百四十八兩八錢又征調苗兵支放新餉共銀十萬一千一百六十五兩七錢六分尚有辰襄荆三府竝澧州稿賞行糧該府州尚未申齎銷算冊報其數尚不止此又貴州調兵安家奉部文發二萬五千共計六十萬四千餘兩以七十四

萬原額算之已完近八釐矣戶部查叅以其未完皆三釐以上陸續漸完至將捌釐則有司之心亦苦矣災民之力亦竭矣於例亦不在降調之例矣又山塘不毛之地計七萬六千二百三十九頃四十六畝四分坐落武彬等十七府州該派銀六萬八千九百一十五兩五錢一分七釐本院業已具題見行各道查議潞府田地塘二萬五千零九十七頃二十八畝有奇坐落武漢黃承德五府起派銀二萬五千五百八十七兩五錢五分零屢次行文請免此皆必不可完之數者衡而計之必不能以復增矣廣西藩伯新推撫院得荷明恩則承天治

奏畧

卷上

空

行卓越之府臣新膺簡命亦當並及寬政此本院所洞燭者至於武昌漢陽各官或丁憂或現任前以不及分數而叅革今以分數將及而議免竊以爲政之平也且以催科一日而降九太守書之史冊似亦非盛世所宜有也專城長吏催督猶不能前安所望於署印庶僚乎將恐降不勝降僕僕赴部無任事之一官也請乞題將承天府陞任知府葉官比例住俸速赴學道新任管事以正士風以安黎庶其錢糧聽接管官催督完及分數方准開復等因議詳到臣據此該臣會同巡撫湖廣右僉都御史熊會議照得國事方殷正臣子竭力急公之

時而以催徵不前自干罪戾夫復何詞惟是災頻派重
官於其地者既念帑匱之當勤又慮民勞之易動調停
上下頗有苦心臣前於勘災疏中已畧述其狀查本省
四十八年加派七十四萬之數今據該司開報支解過
者已六十萬四千餘兩先後完過將及八釐則所欠亦
無幾矣承天陞任知府葉官貞心亮節卓識宏猷水蘂
已逾三年惠愛洽於萬井未完分數固難逃於叅罰已
奉明綸似可及於寬政查廣西布政今陞巡撫趙世徵
八月推陞九月叅罰與葉官同今撫臣業蒙恩宥則學
臣均可例原至如知府楊嗣修熊秉鑑皆以營建住俸

奏畧

卷上

三

有例學臣葉官如推官所報二司所稱士風囂陵民情
漂悍不可一日緩整頓之人所關繫地方緩急不啻過
之除將錢糧責令接管官督催及數開復外今據布按
二司會議前來相應會題伏乞勅下吏戶二部再加查
議合無將陞任知府葉官比例住俸赴武漢學道新任
管事則士風不致披猖地方得保寧謐此外如漢陽知
府周三錫司報已完臣已另疏請豁武昌等府該司亦
以爲所欠不多徵恩一視統惟聖明矜宥焉臣不勝翹
首待命之至緣係災地餉額幾完狂生囂習忽逞懇乞
聖明加意學校推恩學臣以維士風以優賢良事理臣

等未敢擅便爲此會本專差承差陶家珍齋捧謹題請
旨

天啟元年十一月二十四日

奏畧

卷上

三



天啟元年十一月二十四日

上海圖書館藏

保留錢糧叅處府臣疏

巡按湖廣監察御史臣舒榮都謹題爲新餉解發無期人心怠玩日甚謹摘一二完欠之數上塵聖明勅部分別用示勸懲以勵羣工以供軍需事據湖廣布政司經歷司呈奉使司劄付於本年十月二十六日蒙臣批據漢陽府詳奉本司劄付奉巡撫湖廣熊右僉都御史案驗准戶部咨該本部題覆督餉倪御史查叅各直省未完邊餉分數部行漢陽府以未完六釐以上議在降調之列今據該府稱左事之役未息則新餉之派未已徵解不前爲民而受叅罰其何說之辭第歷任有淺深不

奏畧

卷上

畜

同天災之流行可憫查四十八年加派前任張知府三釐五毫之額尚未完解再加五釐五毫俱係卑職履任後於天啟元年方行開徵其潞糧田地前此俱未有派至天啟元年三月坐派四十八年分三千二百九十餘兩無論地甚窪磽小民併徵難支內使屢告豁免細查部文原無派及王莊潞地應在派餉之外且所屬二縣俱稱澤邑今春徂夏洪水瀾漫盡爲滄沒之鄉勘災漢川實極十分漢陽實有九分無告者逃亡而流散僅存者剝肉而醫瘡爲民父母至此真有不能必徵之旦夕而求得之筆楚之餘者也兼之縣令一故一調卑職徒

抱仰屋之吁嗟思無點金之妙法徵解不前職此之由當斯際也爲本府者不亦難乎今照陸續徵收並潞糧措處奏足解外伏乞上臺垂念卑職履任之日尚淺地方災傷之害實深懇賜代題開豁庶以鑒懲於今日亦可勉策於將來者也等因申司據此該府四十八年兵餉俱已續完訖具詳請乞轉達等因蒙批漢陽地疲災重該府能設法完及派額心力欲枯矣布政司查明詳報候題請豁繳蒙此該本司查看得漢陽府所屬漢陽漢川二縣俱係澤邑今歲復被水災計四十八年分陸續加派該府餉銀民田與潞莊正項共一萬六千六百

奏畧

卷上

壹

六十五兩五錢五分已於四十八年七月初三日批差熊應龍等解銀二千二百零六兩十二月初三日批差沈彩解六百零五兩四錢又於天啟元年正月內批差張思遂解四百三十四兩七錢三分六釐又閏二月初九日批差張正陳解一千六十二兩七錢又四月十九日批差沈彩解一千兩又五月二十六日批差胡官正解三千七百五十八兩三錢六分三釐又六月二十四日批差聶仕第解一千六百兩又七月十五日解銀五百兩又八月十三日批差劉三保解一千二百六十八兩又十月二十二日批差殷正邦解四千二百三十兩

零二錢五分以上解到銀兩合之額數俱已全完似應免議昨該本司查明具詳請爲題豁已蒙批示下司今蒙前因合再回報等因據此隨據漢陽縣鄉官尹應元秦聚奎等呈爲懇留賢卓乞採輿論以安地方事呈稱竊惟漢陽知府周三錫銅符分命蒞任僅一載之期竹馬懽迎闔郡頂二天之覆率性本乎溫粹秉政協於公平御下而喜怒不形和風甘雨造士而寬嚴共濟樸棧菁莪禁暴安民四野八荒無犬吠剔奸與利三湘七澤有謳聲賑水患而衽席災疲繕城垣而保障生齒權徵則時緩時急理訟更得法得情政府水清寸心天表縱

奏畧

卷上

奏

餉銀關乎國計而徵催實屬縣家祇緣令尹屢更兼之民生日匱雖催科難於足額實撫字切於由衷况今不軌之徒到處思逞豈其無藝之賦刻限剗心今將循良府正槩入叅罰之章鄉縉扼腕士庶撫膺欲保全漢之安堵必賴方正之彈壓懇乞上達宸聰挽回九重之春下體時艱洪造萬姓之福趁入計之伊邇祈具疏以保留等情又據該縣鄉耆鄉保老宿人胡綦許普等告爲保留府正爲國安民事國以安民爲本民倚府正爲安今漢陽府周知府蒞任僅方一載節用愛民恩威兼濟且神炳幾先預繕城垣以防變亂皆由德化感應各士

民輸心捐助並不干於錢糧禍緣兩縣屢更稽遲餉解
坐議府正事出望外哀我漢民水旱輻輳方賴賑恤起
困又聞川兵猖獗順流當鋒實險我府正一行誰作倚
庇人心惶惶如失二天懇乞具疏保留等情各呈告到
臣今據前因該臣會同巡撫湖廣右僉都御史熊尚文
看得漢陽所屬雖止二邑而地疲俗悍四方亡命窟穴
其間盜賊充斥衙役橫行其難治甚於劇郡知府周三
錫執比鍊金苦同茹蘖浹辰之內政修事舉弊絕風清
惠愛洽於民心貞亮孚於士論臣方謂此郡而得此守
振起有期不勝爲地方手額近以解不及格致干嚴旨
奏畧

卷上

卷

據該府所申藩司所報前項分數俱已陸續奏完遲遲
不前則以災頻派重縣官一故一調催徵無人之故該
府任甫期月而前後解額設法湊足其心良苦其才亦
足多矣父老日擁臣門扳號之情如失慈母鄉紳尹應
元秦聚奎等字內名德非激於由衷一字難假此豈可
與泛泛情面用事者例論乎地方愛戴之情旣如此而
錢糧及格又如彼查部疏原有歷任淺深曾否徵解足
額罰不當辜該省確查待奏到日覈實另處之語則此
一臣者所當查明聽移咨吏部請旨復職以慰士民之
心者也臣爲皇上耳目之官觀此情景敢緩入告伏乞

勅下該部覈實上請如果臣言不謬將赴部降調知府
周三錫准復原任庶輿望不孤遠臣之苦情得伸疲郡
之化成有望矣臣無任激切待命之至緣係新餉解發
無期人心怠玩日甚謹摘一二完欠之數上厯聖明勅
部分別用示勸懲以勵羣工以佐軍需事理未敢擅便
爲此具本專差承差陶家珍齎捧謹題請旨

天啟元年十一月二十四日

奏畧

卷上

亥

蔡黃州諸生鼓噪疏

巡按湖廣監察御史臣舒榮都謹題爲狂生故意撓法
甲職無端受辱病以鬱成誼難赧留乞准休致以全名
節以重綱紀事據黃州府呈准本府知府胡維霖闕稱
職履任二月有餘首嚴鄉約保甲次懲衙蠹汰革三十
餘人查錢糧嚴大戶詭漏省訟獄禁誣告人命奸情懲
市棍抑豪右杜請託每事矢天日質城隍無非扶弱鋤
強嘉與黃民樂生至於青衿以文贄見勉之以品識以
身家事赴審更曲加體恤若夫挾制官府招搖賭博騙
人妻女扛幫訟詞做干証窩賊盜等項時形之於口論

奏畧

卷上

充

及查城軍城軍稟秀才占役清屯田衛官稟勢劣侵種
本府無一不掣肘不覺撫膺而嘆間有以不相干之事
纏稟者再四諭之以理惕之以法無已發學戒飭一二
凡若此者亦謂立法貴嚴嚴以成愛耳初未嘗申黜一
人亦未嘗輕監一人不意惡少敗員事事認爲礙手處
處觸其忌恨突於今月十三日辰時卑職往公署拜客
諸生十百成羣蜂擁署門揮箠嫚罵拋石詬辱客諭之
不退後請尚通判李推官諭之又不退自辰至巳通判
推官帶去鬻官諭以禍福方始解散卑職賴百姓擁護
亦遂回衙自惟德望輕微不能彈壓一方且賊性拙直

不能周旋人情真愧死無地以是鬱鬱至半夜嘔血暈仆家人扶掖移時始甦撫此沸地又何能靦顏立於士民之上惟有一去以謝諸生而已在卑職軀命不足惜衝郡印務不可一日缺官伏乞俯允休致另委官署理庶綱紀與名節稍留一綫之脉而於地方政務亦不致耽閣矣等情據此隨該臣批以青衿面辱師帥是壞法亂紀自庠序始也聽其求去致煩朝旨得無慮玉石之淆而且爲地方羞乎武漢提學道嚴行究報仍慰留該府卽出視事去後又據該府推官李長德呈爲府正病鬱日深合郡挽留無及謹報解任日期以候定奪事本

奏畧

卷上

七

月二十三日卑職轉申士紳衆民公呈已將闔郡懇留胡知府情由具詳上稟節蒙批發慰留令職等敦請視事隨同本府通判尚覲光黃岡縣知縣熊江府縣學教官唐拭吳學可等日日起門敦請期無虛闔郡仰望之心竝稽上臺諭留之命不謂二十五日以後卑職同各官往視內宅見胡知府咳嗽不止精神疲瘁至二十七八日又覺有甚於前者本官自謂非卽刻解事必不能愈卑職等以調攝婉言至再至四而無可如何竟於本月廿九日之晚登舟矣胡知府任以七月之廿五距去日未及百日而是日庶民扶老攜幼泣聲震動者數千

萬人皆非前生事之民已經諭禁者比卑職等目擊其
景復至舟敦言雖胡知府亦爲心惻而終謂其無如病
何蓋本官勁骨剛腸義難辱於劣生之狂吠固宜其病
之未可一日解也本官解維待命矣郡務煩冗停閣已
深所有胡知府原封印箱印鑰等項業同多官令通判
加封貯庫等因呈報到職據此除將該府印務一面批
行委官署理其鼓噪劣生聽提學道查究至日另議外
今據前因該臣會同巡撫湖廣右僉都御史熊尚文看
得知府一方師帥進退匪輕黃州知府胡維霖任甫三
月爾剛正自矢一旦爲劣生所窘辱而去事駭見聞該
奏畧

卷上

五

府鄉紳里老皆以勉留此守望臣惟恐失之青衿中之
有學行者諸臣自理亦盛稱知府之賢而忿恨其徒之
敗類續據推官稟帖闔城百姓見知府不留遂欲甘心
諸劣生士民相讎幾成大變則維霖之得民和可知矣
近盜賊興起豪猾不得志之人每每逞機思逞士爲四
民之首風教攸關而犯分亡等之事出於詩書禮樂之
輩不慮爲民望乎太守可逐等而上之何所不至天下
事未有不始於嘗試而成於不可救藥者且維霖以持
正見辱繼此者將以維霖爲戒人恤所底將誰爲陛下
守此三尺但玉石宜辯首從亦宜分其有罪人等俟學

臣勘定指名再奏謹先將知府被辱去任情節據實上
聞再照黃州濱江盜賊充斥當此之際不可一日缺守
伏乞勅下臣等嚴行提學道勒限鞠明分別究擬一面
勅吏部卽推陞有才望者一員前來任事庶國家之法
紀獲伸而囂悍之士習可正矣緣係狂生故意撓法卑
職無端受辱病以鬱成誼難赧留乞准休致以全名節
以重綱紀事理臣等未敢擅便爲此會本專差承差陶
家珍齎捧謹題請旨

天啟元年十一月二十四日

奏畧

卷上

五

大計前

閣下
都察院

吏部三堂
吏科揭

巡按湖廣監察御史臣舒榮都謹揭爲是非溷淆議論
參差謹述先後情節仰干臺鑒以備考察事職於三月
入境念歲當大計幽明黜陟關係非輕牌行司道府廳
查覈賢否去後續於不等月日接得各衙門報冊內麻
城知縣莊應德一欵有謂爽鍊刃游餘地清瑩月映寒
潭澤滿四郊頌騰萬口者分巡道婁九德也有謂清標
芙蓉出水迅才驥足追風理劇神閒流膏境淡者守武
昌道劉觀光也有謂清高玉樹臨風剗割龍淵出匣吏
凜冰寒民懷春暖者提學道周燁也有謂冠玉高標插
奏畧

卷上

壹

漢懸冰凜操橫秋天馬奇才棘鸞卓品者江防道李如
檜也有謂精瑩百鍊通才清冽一泓皎節閭歌豈悌邑
凜神明者推官李長德也今守道署巡道蘇進則謂賦
才銛利有爲秉操堅純無類蠹惟積役議在縱情以浮
躁註矣江防道李如檜則謂情性疎曠性地浮張守無
愧於官常行頗見其猥佻亦以浮躁註矣推官李長德
則臚列其縱役嚇人淫狎不檢稽覈無能夜行魯鄉官
門首遣阜卒窺矚張威邏提朴責張威諸狀甚悉纔三
月爾稱譏相反職但舉其大畧大約譽之時則前賢復
出毀之時則無賴之尤且江防道李如檜冊已開之於

三司公見時明謂爲衆所迫此令終無可議望作主張
推官李長德未開之先對職蹙額謂推官胡允恭囑討
事件不得不去搽求一段慘淡不安之形若受人逼迫
而甚乖其本心者旣開之後又有稟與職云麻城功深
九仞實無玷守索癡列報事終可疑反覆彷徨惋惜欲
死職覽未竟不覺動容查此令先是復命諸臣皆以卓
異薦鄉紳中表表者移書於職謂此令清標執守卓冠
一時獨以抗直不能曲徇致有耽耽齟齬之者無可訾
議遂造爲不根之語又職初入境時見胡推官語聽此
令爲鄉官彭遵古兄弟所揭一日彭遵古見職極道令

奏畧

卷上

七

賢而憤恨於俗之不美職以前語告遵古甚爲不平職
徑徑之人不識世間此等機變如觀海市茫無可執反
覆思之將從其後者爲是乎抑從其先者爲是乎將謂
其筆之所註者足據乎抑謂其口之所言者足據乎爲
此躊躇寢食不安者數日因牌行二司云照得官以察
名上下之間須得其隱情愛憎之變當求其所歸據該
司所齎計冊內開麻城知縣莊應德有守謹慎心隱秘
政寬緩之評矣本院自三月入省孜孜察吏見評此令
者獎賞邁於等夷頌述如出一口今未浹辰而先後相
反不啻郢與冀山令人疑駭皆曰賢又皆曰可殺品人

者何無持操非惟不能自信其心志併不能自信其耳目既欲生又欲死司察者疲於奔命若爲人市德而未遑又代人驅除而未敢事有實據不難轉袞鉞於月旦之間情由迫脅又安能舍昭昭而索之於冥冥之表昨見該道廳臆額相對僉以爲無可奈何卽二司所稱亦以爲挽回無術朝廷大典豈宜使人有鬱心之言屬官生平亦難輕付之於宵小之手矧造端者見在不妨甲乙推求始末無幾時可以心口相謂居庶僚之上斷不能殺人以媚人代天子耳目之官難以因悞而成悞合行查審備牌行司卽將本官任內操守心術政事一一

奏畧

卷上

五

根究明白要見一人之面目未改何以夕跽而朝夷該管之冊語參差何以心慘而眉皺蜚語起自何人證於何口三人占從二人已可得其大畧善者好不善者惡卽可窺其底裏天地在上鬼神在旁務令加之者非懸坐受之者沒齒無怨言至是無非至非無是參伍見聞求其至當據情直書勿涉兩可本院將據以入疏也續於十一月初五日二司呈報到職內引該府理刑李推官申文云麻城莊知縣才守原無可議其曉曉沸傳者止猥佻不羈一事耳此事跡屬衾裯而情涉微曖若以爲理之所有則自愛者當不至輕身於匪彝儻以爲事

之所無則沸起者近且游騰於衆口職等見其烹鮮劇
邑九仞功深真不勝彷徨惋惜而無如此衆議之紛紛
何也此事之真贗所可據者止此耳文到之後長德親
來見職慘容未改而持議較堅其以改詞之後不便再
改矢在弦上不得不發也固未可知其以怨端已開再
諱無益葉落歸根水窮石出也亦未可知但是非原不
兩立三月之內天淵若此言語文字又不相蒙始謂如
是終以爲不如是則謂如是者職疑之矣筆以爲然口
又以爲不然則以爲然者職亦疑之矣嘗見世之善周
身者每每居其實而避其名怨予人而德予己陰陽其

奏畧

卷上

美

術首尾皆藏淺之爲涉世之鄉愿深之爲奸雄之主盟
其關於世道人心者不小二廳一則恢恢大畧而以清
恕得人心一則恂恂純一而以清貞孚士論職期之甚
重愛之甚深萬不以此自待亦不忍以此待職今所值
如此職不覺憮然而自失矣黜陟何典入告君父何事
巡方何官而可以不信心之言依人宛轉冒昧從事乎
藐爾一令不能分別可否致塵台聽職深自愧懼第事
起一時又屬曖昧執一以請終不協於本心摸稜而行
未免辜此大典謹述道廳先後隱顯轉換情節仰干台
鑒伏惟台臺叅酌羣言再加博訪辯其真是真非以定

黜陟庶三年之功令不輕而硜硜之人亦得以守其本
來之面目矣請揭

天啟元年十一月二十四日

奏畧

卷上

七



